

王黃州小畜集卷第二十

序

詔臣僚和御製芙蓉花詩序

馮氏家集前序

皇華集序

商於驛記後序

左衛僧錄通惠大師文集序

送鄭襄序

孟水部詩集序

送薛昭序

送上官知十序

送廖及序

送李廷學士序

送柳宜通判全州序

送程驥序

送徐宗孟序

送江胡黃序

詔臣僚和 御製賞花詩序

臣聞周文靈沼詩人著魚躍之詞漢武橫汾史氏載鴈歸
之計義存小雅語煥青編屬在昌朝繼茲盛事

我法天宗道皇帝誕膺駿命光啓鴻基當千年下武之期
爲一代好文之主皇墳帝典窮步驟於宸機壁宿奎星煥

文章於御筆然而動循禮法志尚憂勤來燕來宜式叶鳧
鷖之詠弗灑弗掃恐招蟋蟀之譏于時淳化之年暮春之
月萸萸初生於一葉牡丹乍拆於千苞乃召侍臣爰開曲
讌入內園而洞啓望綺席以霞舒風遞鳴梢乍見七香之
輦波搖水殿齊瞻八彩之眉懽呼方到於軒墀侍從共登
於欄檻親承睿旨競剪宮花露濕冠纓表君恩於湛露香
籠襟袂雜帝坐之天香次臨積翠之池咸舉不綱之釣忽
宣竒韻俾賦新詩旣奉詔以援毫各爭妍而構思天顏咫尺
強叩於蕪音聖語褒揚實同於華袞俄頒御製復見宸
蹤兼堯舜禹湯文武之才備鍾王歐虞褚陸之體詠詩無
數傳翫爲榮况若夢中入闌苑瑤池之景渾疑天上得金

簡玉字之書既而尚書之書亦保其書之書也乳魚而罷釣自
契深仁思古以爲榮於古者之書也虞之節挽烏號
之弓振振靈石之子孫也起登壇之將帥心平體正發金
鏃以無虛目駭神驚捧金罍而獻壽壽壽瀲灩舜樂鏘洋
合經義於五祀自同往諸遠雄心於一豕堪謂前王不醉
無歸盡歡而罷越明日復出御製賞花之什十五章五章
章八句十章章四句首示輔臣次傳近位文含五緯韻叶
八風鏘乎治世之音大矣經天之作雅頌之道雖易俗而
移風元首之謨亦君唱而臣和讓章雖上宸旨弗移況兩
制三館之臣幸當文理美千載一時之盛寧寢頌聲各進
數章共成一集雖群星向日更無雙彼之光而衆草偃風
亦助穆如之勢其間有煥其欲速既醉成篇或體律未諧
或風騷無取上咸令甄錄曾不棄捐亦猶朝百谷於滄溟
未嘗辭露會九江於雲夢足得包荒臣叙事非工言詩鮮
妙五吏寫詔無王勳之雄才百僚和詩非太真之高等以
在育材之地躬承善誘之恩用紀文明輒爲序引書之國
史何慙天馬之歌垂作人文不愧景龍之集謹序

馮氏家集前序

仲尼以三百篇爲六經之首以其本于人情而基于王化
故也然而刪其義次其章繫乎國風雅頌而已不顯乎人
之氏族也洎卜商作序篇之首始或著焉若鴟鴞之什直
去周公救亂也成王未知周公之志公乃作詩以遺之湯

之什又云召穆公傷周室大壞雲漢之什亦云仍叔美宣王之類是也其餘或稱國人怨而作是詩也或稱大夫刺某王某公也故詩人名氏闕者多矣遠乎離騷則自云帝高陽之苗裔朕皇考曰伯庸後之人故知其屈平也且夫刪詩無聖人序詩無子夏採詩無古官則作詩者得不以家集自見乎蓋存其詩人可知矣察其人國可知矣詩之集也豈徒然哉亦國風雅頌之遺制耳馮氏家集者故江南常州觀察使始平馮公之詩也公諱謚字某其先彭城人也唐末避地徙家壽春當李氏之建大號也公之長兄某實為國相公亦以文章器業歷踐清顯典掌誥命出入臺閣者十數年然以氣直道孤嘗被放棄進退以道識者

是之周顯德中將平淮甸公以起部貳卿為東都副留守

江南以揚州為東都

王師之傳維揚也公督勵士卒堅守不下竟以

援兵不接城陷而來世宗一代真主素聞公名見而奇之曰忠于所事名節之士也擢拜太府卿留闕下三載公朝請之暇與中朝卿大夫以詩酒自樂篇詠間發傳于人口今首台李僕射方掌內制與公卜鄰投分頗厚故集中有贈李學士詩云鄰居纔十步交分已三年既而江南割地內附願比藩臣世宗許之因授公尚書刑部侍郎且令持節歸國南轅之日揆相賦詩一首書羅巾以贈之公荅云羅巾揮逸翰送我出夷門保惜安懷袖流傳與子孫其與時賢相知也如此公既歸故園慨然有挂冠之意李氏待

之益厚不得已復授中書侍郎歷吏部尚書遂有毗陵之拜實以某年某月日終于位

太祖平吳之歲金陵罹于兵火士流書史蓋煨燼矣餘公府者僅有存焉初公嘗以所業文集獻于本國至是亦入

貢矣為下揆相賜得俄而公之諸子歸于朝廷首台猶為

翰林承旨見公之子弟憮然有故人之念且徵其家集焉

對以兵戈之中喪失殆盡相國歎息久之且曰上嘗以江表

圖籍賜于近臣時太祖末年故某獲先君子詩一編凡百餘章

常耽味之混同已來俟得全集今盡亡矣子孫何觀焉遂

出而付之因得傳寫于昆仲間公之季子太子中允伉字

仲咸某之同年生也某去歲自西掖左官來商於仲咸方

佐是郡居一日攜家集相示且具道其始末焉某再拜而

受之三復而閱之見其詞麗而不冶氣直而不訐意遠而

不詭有諷諭有感傷有閑適落落焉鏗鏗焉真一家之作

也惜乎公之文不可得而見矣公之詩幸可得而傳矣公

之志從可得而知矣匪獨藏于家亦將行于世後之人有

如吳季札者國風可辨也有如韓宣子者周禮可見也豈

徒錄遺文彰餘慶而已蓋公曰一死一生乃見交情李相

之謂乎周太史曰不在其身在其子孫者馮氏之謂乎盛

乎哉公之長子傑今泰州海陵令次子侃國子博士並文

學策名于江左次子儀岳州推官次子价渝州從事暨仲

咸皆登御前進士第與夫諸集諸孫奉箕裘服名教誥誥

咸皆登御前進士第與夫諸集諸孫奉箕裘服名教誥誥

濟濟馳驟于好文之代庸詎測其涯岸乎夫如是則公之
負偉才遇多難入為王官終于陪臣位雖至而道不行矣
天其或者貽于後嗣而行于聖朝邪君子是以知馮氏有
後于宋矣其辱同年之顧覽文人之作敢序梗槩少揚休
美庶垂于不朽焉先是公之孫玄度自序先集附于篇末
故某之所述特曰前序公時淳化三年正月五日序

皇華集序

古者天子五載一巡狩肆觀群后觀省風俗黜陟幽明而
已後代沿革命使巡行兩漢已來其任尤重非稽古有識
之士不得與焉

皇上黜霸道立民極褒拔秀茂輯寧黎元以為四海之大
蠻夷殊於華夏非號令則教不被兆民之衆博整困於豪
右非詢問則情不達百吏之廣循良雜於苛暴非考覈則
人不勸舉行宰之典慮供億之勞乃詔輔臣精擇邦彥按
郡國之政張朝廷之威召于廷英授以密旨膺是命者凡
若干人濟陽丁君實復閩越君始以文學高第進復以政
事課最聞朝僉曰然帝命惟允君之出也名賢惜其去天
子重其任惜其去者以為書典謨備顧問惟君稱其職矣
重其任者以為八州之政萬里之俗非君孰可使矣于是
黃樞密勿之臣青宮調護之客兩制三館達士名僧咸賦
詩以送總若干首今春赴朝集之期秦風謠之事虛懷見
納前席移時黜者無怨言陞者無異議盡以民瘼達于帝

聰上心豁如咸可其奏重慰遠俗等而遣之都門祖行即
席探韻又得若干首合為一集播于四方道出維揚以序
為請敢徵古義命曰皇華年月日序

商於驛記後序

有唐都長安三百年商於為近輔地望雄劇亞于同華其
擇用郡守皆尚書名郎暨諸寺以列入拜中丞諫議者往
往有之自大歷貞元之後王室微弱李希烈陷大梁李錡
繼叛由是汴路或不通焉吳越江淮荆湘交廣郡吏上計
皇華宣風憧憧往來皆出是郡蓋半天下矣故郵傳之盛
甲于它州會昌中刺史呂公領是郡新是驛請翰林學士
承旨戶部侍郎韋琮文其記太子賓客柳公權書其石祕

書郎李商隱象其額皆一時之名士也觀其文不獨記斯
驛之盛大率頌呂公之政耳自唐風不競鼎入于梁長安
廢為列藩商於化為小郡輶車罕至傳舍孔卑古驛無餘
遺文空在運歷五代時踰百稔痛平呂公之政事三賢之
文翰世莫得而聞也

皇宋淳化三年詔太子中允始平馮公知斯郡才大務簡
居多閑暇一日讀商於驛記見數字則缺慨然歎之且慮
碎于樵牧之手亟命移徙立于便廳四賢之風想象在目
俾夫後之好事者摸印傳寫無翼而飛自馮公始也馮公
名伉字仲咸嘗策名于江左歸朝由同州戶曹掾舉進士
得御前第某之同年也式序始末題于石陰呂公記不書

名蓋貴之也又惜其今之人弗遂知矣地僻無書未獲討
閱俟學唐史者補其闕文其年十月十九日序

左街僧錄通惠大師文集序

釋子謂佛書為內典調儒書為外學工詩則衆工文則鮮
并是四者其惟大師大師世姓高氏法名贊寧其先渤海
人隋末徙居吳興郡之德清縣祖珣考審皆隱德不仕母
周氏以唐天祐十六年歲在己卯某月某日生大師于金
鵝山別墅時梁貞明七年也武肅王錢某專制江浙後唐
天成中出家清泰初入天台山受具足戒習四分律通南
山律長興三年武肅薨文穆王諱嗣位大師聲望日隆文
學益茂時錢氏公族有若忠懿王諱宣德節度僭奉國節

度使僭越州刺史儀金州觀察使儼故工部侍郎昱與大
師以文義切磋時浙中士大夫有若衛尉卿崔仁冀工部
侍郎慎知禮內侍致仕勳輝與大師以詩什唱和又得文
格于光文大師彙征授詩訣于前進士龔霖由是火為流
輩所服時錢塘名僧有若契嵩者通名數一支謂之論虎
常從義者文章俊捷謂之文虎大師多毗尼著述謂之律
虎故時稱四虎焉界本國監壇又為兩浙僧統歷數十年
像法修明通徒整嚴大王與國二至志盡王携尚版圖歸國
大師奉真身舍利塔入朝

太宗素聞其名召對滋福殿延問日別賜紫方袍尋改
師號曰通惠故相盧宋崖深如知政事李穆儒學

之外善談名理。高大師尤為著。入學。高師。高僧傳。聽歸杭州舊寺。成三十卷。進御之日。聖書褒美。居無何。徵歸京師。住天壽寺。參知政事。蘇軾簡表。詔撰三教聖賢事迹。奏大師與太一官道。韓德。統分領其事。大師著。鷲嶺聖賢錄。又集聖賢事跡。凡一百卷。制署左街講經首座。至道元年。知西京教門事。

今上咸平元年。詔充右街僧錄。先是故相文貞公懸車之明年。年七十一。思繼白少傅九老之會。得舊相吏部尚書宋琪。年七十九。左諫議大夫楊徽之。年七十五。郢州刺史判金吾街仗事。魏丕。年七十六。太常少卿致仕李運。年八十。水部郎中直祕閣朱昂。年七十一。廬州節度副使武允

成年七十九。太子中允致仕張好問。年八十五。大師時年七十八。凡九人。焉文貞公將譙于家園。形于繪事。以聲詩流詠。播于無窮。會亂。寇作。亂朝廷。出師不果。而罷。今九老之中。李宋楊魏張已先逝矣。大師年八十二。視聽不衰。于本國歷武肅文穆廢主。忠烈凡四世。于朝歷梁兩帝。後唐莊宗。應順。清泰。晉高祖。少帝。漢高祖。隱帝。周太祖。世宗。梁王我太祖。英武。聖文。神德。皇帝。

我太宗。神功。聖德。文武。皇帝。通。

今上凡十五朝。而能受洪範嚮用之福。處淳圖具瞻之地。豈所謂必得其壽。必得其位者乎。大師以述作頗多。叙引未立。猥蒙見託。不克固辭。總其篇題。具如別錄。凡內典集。

一百五十二卷外學集四十九卷覽其文知其道矣因徇
其世家行事備而書之使後之傳高僧銘塔廟者于茲取
信云

送鄭襄序

閩人鄭生成之舉進士來蜚下會詔罷去在趾滌上是歲
日官置曆閩在孟秋暑之煩酷于前一月為甚某性不能
耐熱每見生不表締絡而出且慮生怒某之失禮生退則
卧涼軒更僕交扇而流汗不減因留生俟秋而行生曰襄
有母且老向之去數千里別數百日者欲干名而顯親故
雖遠且久若褻之在母左右也今詔已下將及閩及閩則
鄉人必以告向吾母必筭程數日以待襄也後一日即貽
母之憂用是不敢聞命矣某曰生有純孝與昔穎考叔以
遺羹之意感鄭莊公丘明美之某無怙恃不足以應生教
為生泣而賦詩亦足以警世之為人子者

孟水部詩集序

余總角之歲就學于鄉先生授經之外日諷律詩一章其
中有絕句云那堪雨後更聞蟬信絕重湖路七千憶昔故
園楊柳岸全家送上渡頭船余固未知誰氏之詩矣及長
聞此句大播人口詢于時輩則曰江南孟水部詩也游官
已來求其全集卒不可得咸平己亥歲余自西掖出領齊
安未幾詔除太子中舍唐為黃州司馬訪其氏族即水
部之子也因捧其家集且請為序水部諱賓字某生于

連州其先太原人故其詩云吾祖并州隔萬山吾家多難
謫亦連幼擅詩名吟味忘倦後唐長興未渡江赴舉岐帥
李泰王曠館于門下晉相和魯公凝禮部王尚書易簡翰
林丞百李學士慎儀刑部李侍郎詳咸推薦之由是詩名
籍甚游舉場十年故有十載戀明主之什凡八章五上登
第故詩云兩京遊寺曾題榜五舉逢知始看花晉天福甲
辰歲禮部符侍郎蒙門人也尋以拜慶就養歸于長沙當
馬氏專據湖湘大開幕府遂以賓席縻之俄出為永州軍
事判官歷陽山縣今漢乾祐末馬希廣兄弟鬪牆尋戈不
已江南李氏命邊鎬為將以兵陷湖南盡俘馬氏之族于
建康水部遇亂無依攜光啓年縣印歸于金陵李氏方僭
稱唐得之甚喜故有水曹朱紱之命頃之辭歸玉筍山着
道士衣吉州高史君奏為郡倅不得已用冠褐就職旋歸
舊隱是時江左士大夫若昌黎韓熙載東海徐鉉甚重之
會高越以江南命使過嶺表訪其所居同舟而出強起為
豐城令既而引去越遺吟嘯者二十年老求致仕得本曹
郎中分司南都服道金紫

太祖平吳敗老病不任朝謁歸故里後以令終有金齧
集者

也相東集者馬氏幕府詩也金陵集者李

氏詩也玉筍山集者吉州詩也劍池集者豐城詩也總五百

五首今合為一集以官為名蓋古之詩人多求水部何遜
張籍吳地唐之詩流多出孟氏浩然東野是也況姓氏官

紀茲一歲又其後二十餘年得余為序足以振今名
而實遺後之至一書澹之體警策之句知詩者開卷可見
矣此不復云

送薛昭序

今上即位之五年庚辰歲僕始隨計吏來舉場中間用晦
名籍甚有司考藝得登甲科覆試殿定不中上旨雖命未
遇而文愈親矣故僕遂用晦下第詩有明年同醉杏園春
之句擢為之日卒如勸言補吏以來于今八載泊僕歷東
觀踐西垣遷諫官堂建命殆三年矣而用晦尚以光祿丞
領維揚關市之賦青衫瘦馬受代而來囊括其文未始銜
露何其自待之多也先是用晦之在淮海也雖屈其才亦
幹厥事故司漕運按風俗者奏課以聞至是或謂用晦曰
可移文相府請疇前勞則增秩之命可得矣用晦聞而
之曰非知言也吾學古聖賢之道以取祿位不幸而司管
庫又烏以羨財而為功乎如古用我者則闢譏而不征矣
豈終為俗吏耶士君子聞而壯之內翰武功蘇君即薛氏
之出也視用晦者外兄敦勉誘激俾獻文以自試不得已
而從之始以所業四十編拜章進御天子嘉之試于鳳閣
文不加點數刻而成燦于千言聳動臺閣翌日循近制改
著作佐郎延英中謝上又譽之未幾有建陽通理之命是
行也但雖未充而名以大矣因雖未溥而知則深矣詎非
歷試之漸大來之階乎且將慰慈母省元昆為舟東下吟

嘯山水間之士子得以師其道聞之遠俗得以觀其政又何窮煙先後之足公平于是兩制三館之士爲詩詩以餞行且命不才序冠其首

送上官知十序

古者大夫三月而葬戰國已來禮文殘缺葬祔之制動或踰年筮仕者復貪功好名率曰忠臣不得爲孝子甚無謂也故吏部著式祖考未葬者不與調遷亦救弊之一端耳今聖人以禮示萬方以孝治百姓陳力就列上得忠于國生事死葬下得孝于家臣子之道煥乎有光中吳通理奉常丞上官公起家倅于洋再命莅于蘇丁先明府憂喪間既至奪情詔來銜哀在公綽有勤政越明年國家展圓丘之禮灑漏泉之澤幽明存沒靡不霑浹贈先明府太子洗馬亦既受代飛章帝聞請改葬于高密詔許之先明府爲宰字之官有循良之譽官員遯田里鄉人法之又見其子擢進士第歷廷尉評遷大匠丞登朝爲贊善大夫令終之日鍾是賁飾非積善有後疇能與于此乎是行也郡縣郊迎父老改輿襦朱紱具縷裳號電空之前火絲綸之命外姻同位得無羨歟蘇臺郡守士庶榮而餞之長洲長王其屬邑也序以志云

送廖及序

澤被天下者天下人戴之爲帝皇化行一國者一國人望之如父母故五等諸侯南面而治皆人君也但隆殺有異

耳仲尼不取中都之小者行乎道也宓子賤巫馬期盡心
殫力一邑者為乎人也豈以位之高下為意乎今之宰邑
者異乎是或不顧己之道不恤民之病率曰吾恥折腰也
歎徒勞也曾不知十室之邑必有忠信況百里乎彼百里
之民尊其宰而望其惠矣苟施澤于下盡禮于上固邑宰
之職然也矧未能愛下而欲慢上耶是則天子利及百姓
教流萬國不當父天母地修圓立方澤之禮矣所以然者
不自大而示有所尊也况民下哉宰邑者其志之鉅鹿古
之名郡也今之邊邑也戎車未息民賦且繁條舒之權雖
前于郡國字育之道亦繫于令長廖君由文學之科探政
事之要是行也當行道而惠人矣肯以下僚為念哉

送李勉學士序

唐韋處厚由考功員外郎出刺盛山為詩十二卷當時名
士自元白而下皆和之韓公為之序以為考功顯曹盛
山僻郡非處厚之志自遠不能樂於詩什流播編簡以為
美談司封李學士嘗以文名於世名在左

上即位之二祀鎮撫軍進士中甲科在館殿十餘年其間
司外計英大郡亦多矣又以名學士出佐廬江而怡然
自得何須用之名之耶將見乎公家江山傳聞輦轂俾朝
之名士若元白者為和成集其希韓公之願為序以繼其
美告行有司

送李勉學士序

河東如無三山太之聞之也在朝國時楊表上疏言時政得失李固之器之累廉監察御史多與不避權貴故秉政者尤忌之繼山為縣宰所在有理皇家平吳之明年隨楊表得雷澤令之官漢僕之故里也始與之交遠今幾十五載建元三州縣之職困于徒勞居低推窮辱之中有死喪疾病之憂故書朱衣有塵知其氣業者共惜之建元祀始以在縣年來抵闕下搢文三十卷叫闈上書且請以文筆自試天子壯之下章丞相府翌日召試且舉漢時以粟為賞罰事使析而論之無疑援引剖判燦然成文

吾君吾相皆以為識理體而合經義也故改官芸閣通倅湘源其官尚卑其郡亦小然史藝而取故有識者榮之與夫諂權媚勢奴顏婢色因採風謠司漕運者言而得之者遠矣于是沿汴達淮浮江湖入湘潭是時也可以吏隱未可以行道況江山猿鳥雲泉竹樹為天下甲民訟甚簡兵賦甚鮮國可卧而理也姑能致身于不才之間放意于無何之域則又不知縣令為著作耶著作為縣令耶或過故國動黍離之情傷遠行有于役之念數下位起山苗之刺則于道遠矣于生勞矣勉哉無疑善飯自愛

士君子不由進士第者為終身之計貴而不歸者有夜行之刺標不友親者立不仕之戒美三晉士龍是行之

謂乎士龍嘗策名江表有年矣

皇朝平吳之明年始歸于我兵革之後旅食于京師懸于
養親不暇擇祿因隨僞官署一簿于雷夏者滿改一尉于
彭城折腰作吏六七年矣混無名之徒食有道之祿士龍
恥之八年復舉進士科中第遷從事于廣陵廣陵即其里
也故廬半空喬木斯拱物華人事依然舊情飄飄綠衣奉
版輿而東下昆弟妻子羅列目前手調尊鱸躬掃墳墓孝
子之願畢矣噫大丈夫得其時而行其道者必能師表一
人利澤百姓匪獨善人之謂也然立大功居顯位必由乎
命士龍豈無志乎姑見其策美名歸故里侍偏親亦旅人
之小亨也行乎哉士龍宜自愛

送徐宗孟序

余去年出內庭臨滁上境與合肥接聞其郡大獄煩號為
難治而使車游客往往道從事徐宗孟者能仗助長吏咸
得其中未幾以書遺我見其文好奇而尚氣者今年果被
召赴闕路出吾郡與之言又見其孜孜不忘于仁義也宜
乎慕孟軻而名焉且從余乞言因書以為送

送江翊黃序

僕直翰林時進士錢易數以文相售其中往往有贈江翊
黃詩恠其名異於常所謂進士者今京西轉運太常姚丞
銓赴職時來與余別盛言生之才用是於生之名甚熟不
知果如何人也夏六月自內庭謫官滁上下車數日生縫

按而見觀其風骨秀朗言論和雅則錢之交姚之薦斯得
之矣又繼之以文好古近道趣向不俗修之不已可為聞
人况一第哉遠來告行書此為送

王黃州小畜集卷第二十一

王黃州小畜集卷第二十一
表

為宰臣上尊號表

為宰臣謝御書錢樣表

謝賜御製逍遙詠祕藏詮表

為宰臣謝賜御製訶詩表

為宰臣謝新雕三史表

謝賜御草書詩表

謝御製重午詩表

陳情表

謝免和御製元日除夜詩表

賀正表

謝曆日表

進端拱箴表

謝賜御製月詩表

謝賜御書字樣錢表

單州謝上表

進乾明節祝聖詩表

謝衣襖表

滁州謝上表

謝加朝散大夫表

謝賜聖惠方表

為宰臣上尊號表

內外文武臣寮具官趙某等言今月二十一日共干天聽
別上尊名奉宸翰以未俞慮精誠而不至戴天就日猶懸
億兆之心伏聞闕寧避再三之黷謝臣等聞運行四時
者惟天之日照臨萬國者惟日之明天不宰其玄功而有
蒼旻之號日不耀於陽德而有畏愛之名是以居廣大而
罔辭處貞明而弗讓蓋功德著乎上而名號隨于下矣前
王後聖茂實英聲取譬于茲其則不遠伏惟

皇帝陛下繼天而王如日之升靜則垂堯舜之衣裳動則仗
武湯之旄鉞明堂制禮走玉帛於萬方宣室崇儒煥文章
於三代候氣而八風從律陳詩而萬物由庚既理定以功

成尚宵衣而旰食早以兆民愛戴群后推崇率由舊章共
上徽號

陛下謙不得已俯而從之雖百姓同懼方諸歸美而一人
善下終恐近名昨者法天道以流謙敷王言而如綍謂大
道不器何假先天之言謂聖人無名豈須惟睿之說盡除
尊號頗駭群情臣等奉詔靡違再章請復

陛下過防滿假終未允俞守謙卦之六爻動而無悔去湯
書之七號卑不可踰遂使中外包羞軍民沮色既難移於
成命乃別獻於嘉猷共傾天誘之衷用紀日新之德著龜
叶吉變類同文咸願聽卑以期得請

陛下特迂鳳藻猶避鴻名固愈振於謙光奈重違於人欲
而况皇王顯號今古彝章上則尊列聖之貽謀光輝七廟
下則稱庶邦之係望威服八荒凡在含生共觀休烈豈可
執勞謙之小節廢立極之大名居軒昊之至尊慕巢由之
獨行此臣等之所未諭也

陛下之所不取也臣等不勝大願敢固請上尊號曰
法天崇道文武皇帝庶得將順謙冲之旨惟新徽懿之名
免使聖朝有茲闕典跼天躋地罔敢自安碎首糜軀期于
必遂臣等無任區區懇迫之至

為宰臣謝御書錢樣表

臣等伏蒙聖慈賜御書三體字樣錢各一貫文者五銖新
樣貨泉將布於人間三體成文筆札互彰於天縱出爐冶

而首蒙頒賜望冕旒而共積兢恭伏惟
尊號皇帝陛下道極至之學探衆妙宸居多暇書九府之
錢刀御筆摘華奪三辰之文彩盡真章歐行之法在方圓
因好之中通流將遍於溥天固殊當百錫賚先霑於近位
其數且千臣等傳翫爲榮收藏至寶倚天光而悚惕對聖
作以兢慙臣無任

謝賜御製道遙詠秘藏詮表

臣等言伏蒙聖慈賜臣等御製秘藏詮道遙詠共四十一
卷者伏以竺乾之教所以祛色相而示真如老氏之書所
以去滋章而務清淨大不過四句偈多不出五千言始則
殊途而同歸終則枝分而派別治乎演三乘於貝葉文字

漸多編三洞於瑤函筌蹄逾遠縱人十而比百空暮四以
朝三自非上聖之才孰立不刊之典發揮教法允屬文明
伏惟 尊號皇帝陛下思妙玄沙心遊赤水因民設教與
天比崇知幾其神建皇王之有極恭默思道念釋老之多
歧于是詮註微言詠誦至道撮其樞要闢戶牖於法門塞
其菁英芟蕭稂於玄圃示萬機之多暇表三教之精通足
可以指迷悞於群生扇穆清於四海豈比夫劉莊蕭衍但
多佞佛之心漢武秦皇空作求僊之術自合鑄諸玉簡藏
在名山將日月以同懸之與鬼神而爭奧傳于不朽垂之無
窮臣等謬列詞臣躬承聖教披瀝天之雲霧已覺濡身聽
舜殿之絃歌共知忘味謹當披瀝讀誦亦舞懽呼少遵善

誘之心庶助無為之化臣無任

為宰臣謝賜御製詩表

臣等伏蒙聖慈宣賜詩表三首者天時早曠聖慮
焦勞玄穹忽降於霄雲霓宵灑之形於詞詠首蒙宣示共極
懽榮伏惟 尊號皇帝陛下軫念三農精心六義自春徂
夏稍致愆陽以日繫時不忘善禱詔近臣而逸走群望御
便殿而親錄縲囚聖感玄通天心昭荅潛驅屏翳舒張東
岱之雲暗使豐隆樹擊南山之鼓連宵泛灑率土昭蘇旱
稼勃興豐年可望緣聖情而有作奮御筆以成篇帝庸作
誥高視康哉之詠上以風化遠追皇矣之詩燦然三章誕
敷四海深形教誨特有宣傳台衡宸衷之銘彼何膚淺白

雪陽春之句空銜清新巨筆收早功微廣詞調下鏤于肌
骨敢忘作誠之詞播在管籥事移風之德臣無任

為宰臣謝新雕三史表

臣某等言伏蒙聖慈賜以新雕三史書各一部者伏
以先帝好文校讎三史之旨備會議錄歷兩朝摸印方行頒
宣首及中伏惟

尊號皇帝陛下心存稽古志在奉先念五帝三王之書具
存道德思列國兩漢之事可鑒興亡觀真本之初成先近
臣而受賜欲俾詳觀聖亂起聖家臣等素匪知書仰承
善誘敢不服勤舊史少副聖意在編於格言或有裨於
大政臣等無任感天德切履管之至

謝賜御草書詩表

巨集言今日五日伏蒙聖慈賜御草書詩表
高絕句詩一首絳綃三幅霞綺舞鶴之紋宸翰三行雲流
迴鸞之勢天恩曲被凡目榮觀佩服戰兢神魂飛越中謝
伏惟 尊號皇帝陛下書窮八法學洞九流英斷睿謨運
玄功而多暇飛文染翰縱首聖以蒸娛閑裁浙水之綾爰
寫渭南之句宮中刀尺剪雲霧於赤城筆下風雷走龍蛇
於碧落遍令中使宣賜近臣豈期瑣材亦預宸眷捧持失
次傳翫增輝竹千載之遭逢極一時之榮遇讀盡二十八
字列宿韜光宣來三十六宮天香尚在豈止藏於篋笥亦
將傳付子孫堪笑二王非墨妙筆精之作如逢伯禹得金
簡王字之書感恩空投於涕洟受賜更銘於肌骨臣無任
戴天荷聖激切屏營之至

謝御製重午詩表

臣等言伏蒙聖慈宣賜御製七言四韻重午詩一首者
天有四時成聖功也八節所以宣其氣詩有六義繫王化
也二節所以變其風至若運陰陽享壽之功達雅頌盛衰
之理不失其正斯惟聖人中謝伏惟

尊號皇帝陛下通應一二塔昇平之嘉會節當重午樂長
慶之玄功形于詠詞播於詩什時令中使宣示詞臣降鳳
閣以光輝播魚頰而抃舞仰窺首句如當帝舜之薰風載
味空章仍念屈原之自魄教化以被忠邪以分又何止述

浴蘭懸艾之文運白雪陽春之麗而已哉臣等職叨掌誥
才庸言詩獻尚書而諷諫無間徒經嘉節學樂整而淵深
罕究但拜宸章願揚治世之音永作傳家之寶無任戴天
荷聖權呼抃蹈之至

陳情表

臣某言臣聞及過自新人臣之職勤年幾責效王者之舊
章辭以念臣近自冗員每叨諫署秋蘭解佩重呼澤畔之
魂紅藥裁詩不墜禁中之樹固當老於小諫日赴常參其
如親寄解梁身趣魏關四海無立錐之地一家有懸磬之
憂以至僕馬龍鐘雜于工祝弟兄分散迫于飢寒若非內
受職名賜之寶俸外求差使以救食貧則曷以養高堂垂
白之親蒲上國燃金之費雲就日非無感闕之心玉粒
桂新未有佳京之計伏望

尊號皇帝陛下念臣過而能改進不因人或西垣再命於
演綸或東魯且令於承乏唯中外之二任繫君親之一言
千冒宸嚴臣無任僭越兢憂悃悞待罪之至

謝免和御製元日除夜詩表

臣等言伏蒙聖慈特降御製元日除夜詩四首仍令和來
臣等尋時連狀謝罪之免和今日七日伏奉恩旨特賜俞
允者聖文絕唱天道聽言雖違善誘之心幸獲知難之請
伏惟

尊號皇帝陛下五十年為寶六義游心樂天地之玄功奮皇

王之睿藻筆無滯礙之心未火煖乎四章降於三館耀日月星辰之表發金石錄之旨息入音真乾坤無以述其數辭包造化鬼神不能隱其元日之句也藻繪王春悅萬物之資忘其除夜之句也發運三才述四序之成功固宜隨歷數而頒於華夷與法令而懸於象魏俾夫薰絃播奏散為化下之風蒼蒼玉雕鐫祕作升中之典至若周滿黃竹之詠漢高大風之歌唐太宗守歲之詩陳叔達初年之作義皆無取事不足徵又若除夜藏鈞正朝放雀真為兒戲豈近皇猷遍數前王實多慙德臣等文館待罪朝行具負幸觀四始之根源徒荷千年之際遇然而對燭龍之銜耀難炫螢光當鳳彩之來儀須藏雉尾共思閣筆同樹降旗方傾寶燧之誠果降矜容之命豐隆門下免為聚細音之蚊莊叟山中甘作不鳴之鴈臣等無任感天荷聖激切屏營之至

賀正表

臣某言伏以元正首祚景福惟新數莫莢於堯堦初生一葉獻椒花於漢殿齊列千官式彰負表之尊大祝如山之壽伏惟

尊號皇帝陛下業隆三代道冠百王和玉燭以授時玄功克著振金鈴而徇路春令慶行當三元資始之期見萬國會同之盛方物充庭而慶慶上公獻壽以鳧趣日照冕旒觀垂衣之肅穆和氣穆穆懸法之威儀詎遺率土之濱

同樂履端之候。曆乾鈞於夏。天齊休。臣濫奉朝恩。叨權郡印。思預華封之祝。方遠。東新領。義氏之書。空驚素髮。但荷發生之德。莫酬煦育之。幸。臣無任祝聖戴天。并蹈。懽呼之至。

謝曆日表

臣某言。今月四日。進奏院遞到宣頭一道。伏蒙聖慈。賜臣至道二年新曆日一道。者。王春肇啓日官。爰舉於舊章。帝命遐宣。守土各頌於新曆。臣某。聞天道無私。所以運行寒暑。聖人有作。所以恭授民時。幸令率土之濱。共樂同文之化。伏惟

尊號皇帝陛下。五行爲質。萬國咸寧。星辰即序於堯。天風兩弗迷於舜。獲御明堂之十二位。克正陰陽。運璿璣而三百六旬。無差畧刻。煥乎正朔。被于華夷。臣謬典魚符。欣開鳳曆。以時以日。敢忘匪懈之心。卜世卜年。更仰無疆之祚。伏限郡政。不獲奔詣闕庭。無任感天荷聖。激切屏營之至。

進端拱箴表

臣某言。臣聞宣尼立教。五諫以訓民。天子設官。命七人而庭諍。欲嘉言之周代。致盛德之日新。中謝伏惟

尊號皇帝陛下。志在任賢。動必師古。大開言路。精擇諫臣。改拾遺補闕之名。設司諫正言之位。必須端士。方稱美官。臣且何人。亦當此任。三月中。伏奉明詔。用訓庶僚。於中兩省。之班行。有異百官之賢責。必容。嘗請無取。因循是時。臣方

議迎親已詣吉辰

陛下矜其貧乏錫以緡錢恩麻曲被於一家用度有充於千里况臣曾為縣吏每督民租為尺布斗粟之通行減耳鞭刑之法因知府庫皆出生靈空有淚以感恩慙無功而受賜洎再趨象魏時見冕旒猥塵書殿之資久蠹太官之膳曾無績効空玷清華且官在諫垣未嘗有一言裨補職當史筆未嘗有一字刊修語所謂飽食終日無所用心者臣之謂矣思欲舉諫諍之職言朝廷之事則

陛下聖德昭被神功著明四輔無私而秉大鈞百姓不知而歸至化君何事哉臣何言哉然而安不忘危理不忘亂靡不有初鮮克有終古聖賢之深旨也故夏后有盤盂之

銘周王有几杖之誠敢徵此則義用導愚衷臣又嘗讀唐史見貞觀中張蘊古上大寶箴咸辭理切直太宗深加稱賞焉臣雖不才願繼其美謹昧一死撰端拱箴一首固不足裨益明聖萬分之一亦臣之舉一也隨表詣東上閣門跪進以聞干冒宸嚴臣無任僭越待罪之至

謝賜御製月窟表

臣某等言今日十六日伏乞聖慈宣示中秋月五七言詩各一首仍令依韻和來者月盈三五明天道之無差運偶一千見聖人之有作維摩贊歌之命終降寡和之詞傳翫為榮捧持矢以推

尊號皇帝陛下清心六事恩若湧泉銳意萬機居多暇日

當中秋之屆惟新嘉月之逢
載觀如圭之狀
得遂祭觀雖前
強率設間處
南飛終慙雅詠
詞時樂聖祭懼
切之至

謝賜御書字樣錢表

臣某等今月二十三日於學士院分賜得御書三般字樣
淳化元寶錢者洪鑪新樣通行將遍於萬方御筆摘華神妙
五分於八體頒宣非次傳翫知榮

中謝伏惟

尊號皇帝陛下留意貨泉精心筆札書紀年之大號用煥
錢神運上聖之多
地馬之名莊山歷山之金可齊重
神蹤將大濟於北民仍分露於兩制臣等名慙夷甫才謝
魯褒實趙囊而空荷君恩探禹穴而難窮聖作周太公之
園法自合包羞歐率更之筆精從茲掃地永言感遇空極
競榮臣等無任

單州謝上表

臣某言今月九日曹州進奏院遞到勅一道伏蒙聖慈就
差知單州軍州事兼賜錢三百貫文祗荷寵榮不任感懼
臣已於今月十七日到本州上訖乍別天庭初臨郡印錫賚
頗厚恩榮實多

之運濫登俊造之科升朝便忝於諫垣効職仍叨於綸閣
常罹罪譴未合弃捐仰冀是而方類戴盆遇慶赦而遽收
墜履官復兩省之列職居三館之先俸厚於他司班清於
庶品固合優游仙館耽耽群書常依日月之光時貢芻蕘
之說詎唯卒歲亦可終身昨以臣父將作監丞致仕某足
疾嬰纏年光遲暮向因謫宦深入窮山常恐此生不歸故
里自叨赴闕頗更思鄉蓋爲衰羸動多悲感有孫兒不識
面目有子壻未接笑言分俸則桂玉不充聚族則京師難
住近聞館殿亦有遣差頻發家書令求外任遂瀝事親之
懇以干孝治之朝伏蒙

尊號皇帝陛下義在從人恩推養老假之符竹惠以緡錢
居二千石之權已爲望外受三十萬之賜實自宸衷感深
而淚濕詔書戀極而魂飛帝闕即時赴郡不日迎親本州
以臣叨奉新恩言承舊例亦將歌樂遠出郊坰臣先以文
書並令止絕蓋以壟麥未秀村民尚飢當帝王盱食之時
非長吏自娛之日庶幾率下不是近名况臣早忝掖垣每
親旒宸備執事勤之首飽聞淳儉之風足以宣揚聖猷訓
導屬吏此外則詳評案牘精究簿書雖管庫以必親庶狃
宰而無枉幸非官諂用報聖知且念親民之官自古所重
凡今共理亦曰難才張齊賢罷自台司止知京兆辛仲甫
出從叅政方甚死丘雖小大之不同在郡國而無異唯臣
此任最是殊恩十一年前始爲成武主簿九重天上曾是

制誥舍人望舊官而雖隔雲泥過數邑而亦為榮遇所恨
者忽離侍從莫遂朝辭實非臣心輕去輦轂但以臣父苦
念丘樊慰懷土之心晨昏有送望北辰之列涕泗無從伏惟
陛下少減焦勞俯加頤養至于堯水湯旱曆數之常文丹
浦青丘征伐之彝事侍見斬繼遷於獨柳送蜀寇於檻車
示天下不用干戈驅域中咸歸富壽然後鳴鑾日觀降禪
之亭追蹤於七十二君探策而萬八千歲此際臣之本郡
實有行宮儻得導引皇輿掃除御路撰禮天之書冊雖匪
職司對盛德之形容敢忘歌頌臣無任

進乾明節祝聖詩表

臣某言聞天道化成分八節而運行元氣聖人降慶膺千
年而開闡洪圖靈既偶於嘉辰祝壽乃名於聖節照臨
之下禱願攸同臣某_中以漢威赤龍晦雲雷於大澤周
因玄鸞帶弓矢於高禩符瑞之來今古相望伏惟

尊號皇帝陛下二儀叶德九廟備祥于時而里社方鳴是
夕而常星不亂_中紫電繞樞式表自天
之命青雲如_中出飛之期_中聖之繼天以乾明而
命節千官上_中來_中樂懸之下鬼侯
梅伯歡_中_中_中樂且殊於在錫
臣職叨_中列_中九奏之_中同鳥獸獻千鍾
於堯舜_中之餘_中乾明節祝聖
壽古詩_中草章無定_中稍殊俗態似近

古風雖播在德風雅之壽酒可代餅優旨曷旒臣無任

謝衣履表

臣某言今月十七日接奉官南門祇候景元到州伏奉聖恩賜臣勅書一道紫衣正錦袍一領若臣當時與官吏軍員將校等望闕恩臣素乏藝文猥塵清近雖罷增懼對挾纒以知榮伏臣素乏藝文猥塵清近雖罷金鑿之職尚分銅虎之符而自移理藩宣始踰旬浹莫著袴襦之詠空慙凋涼之民此者伏遇

尊號皇帝陛下政在宵衣恩加露冕特有祁寒之賜俾無卒歲之虞開緘併集於榮光宣詔更增於和氣飾之瑞獸空傾率舞之心微乃維勳難免彼已之刺伏限權司郡事不獲躬拜闕庭臣無任

滁州謝上表

臣某言奉五月九日制命伏蒙聖慈特授臣守尚書工部郎中知滁州軍州事已於六月三日到本州上訖罷直禁中臨民進上雖近猶忝正部省已戴恩既榮且懼臣某中伏念臣早賤跡誤受聖知進身不自於他人立節惟遵於直道傳兩制出處八年今春召自西垣入叨內署既在深嚴之域仍當繁劇之機雖積兢虞終無補報所宜遠貶以肅具伏蒙

尊號皇帝陛下由念遭逢俯存終始止罷玉堂之職仍遷

粉署之資委以專城置于近地沿流數日登陸三程諸縣
豐登苦無公事一家飽煖共荷君恩處之一生實為萬足
然而翰林學士朝廷近臣

陛下登位已來御前放人之後從呂蒙正而下拜此職者
止有八人臣最孤寒亦預其數言於聖選不為不精數月
之間忽然罷去衆情尚或驚駭微臣豈不憂惶且臣在內
庭一百日間五十夜次當宿直白日又在銀臺通進司審
官院封駁司勾當公事與宋湜呂祐之閱視天下奏章審
省國家詔命凡干利害知無不為三日一到私家歸來已
是薄暮先臣靈筵在寢骨肉衰經滿身縱有交朋無暇接
見不知謗議自何而興臣拜命已來通宵自省恐是臣所

得只官宅在高懷德宅中一昨開寶皇后權厝之時便欲移
出來有去處甚不違礙尋曾指約公人不令呵喝切恐貴
僧出入中使往還相逢之間難為顧揖按舊制自左右正
言已上謂之供奉官銜衛之間除宰相外無所迴避此蓋
賈誦所謂人君如堂人臣如陛陸高則堂高者也况臣頭
有重戴身被朝章所守者國之禮容即不具臣之氣勢因
茲謝衣取道是危微况臣粗有操修素以輕身心常知於止
足性每要於回邪位非其人誘之以利而不往事匪合道
逼之以死而不墮惟有上天鑒臣此志伏望

陛下思直木先伐之義者致慈必察之言曲與保全俾伸
誠歸則孤寒幸甚

岸千里堯天九道徵驅或迷於生還或知尚期於死所臣無任

謝加朝散大夫表

臣某言今月十八日進奏院達到勅牒一道伏蒙聖慈加臣朝散大夫者想臣大祀澤霽百僚豈期郎吏之卑亦從大夫之後臣某忝伏今臣猥因薄技獲偶昌辰自忝文科累叨華貴數年綸閣徒勤潤色之功百日玉堂詎有論思之効而自身離近侍官帶責詞既別白以無門但憂危而度曰此者伏遇

尊號皇帝陛下圓立展禮率土推恩特加五品之資負俾壯一麾之任况臣早叨書命備見舊章每當行慶之時必考授官之限未滿二載例增五階率以為常行之自久臣去年五月出職今年二月加恩承奉郎陞級未崇朝散階遷陞不次必是上由睿聖旁出愈謙以其曾作近臣不欲便同常例永言感遇望極深遠遂使死灰之心稍生於寒燄戴盆之首亦見於天光等稍微無以答鴻造無任

謝賜聖惠方表

臣某等言今月二十五日進奏院達到太平聖惠方并目錄共一百一冊臣等感蒙聖恩仍頒勅命施行訖臣等謹按洪範書用五福其三曰康寧威用六極其二曰疾然別疾病之休蓋天之威福亦康寧之集蓋天之勸懲邪此特立教而事若欲驅人為善者或飲食嗜慾之不節陰

陽寒暑之不時爲札瘥爲流殍爲疢癘若此之類
縱而弗攻委之于極非聖世之所用心也故醫術由是而
生焉自黃帝政伯以還作書以至於最乎無條貫浩乎
無津涯思欲囊括古今以爲類例參驗百疾稽合群方惠
于兆民敷乃萬國非偶大聖孰能興之臣某謝伏惟

尊號皇帝陛下惟睿作聖有孚惠心包天地之大德群生
罔不遂盡皇王之能事墜典罔不修謂人之未庶也制婚
姻以育之謂人之未富也薄賦斂以足之謂人之未教也
施道德以化之又欲使五福之康寧徧流比屋六極之疾
病不加蒸民于是召良醫考異術集自朱邱逮于紫宸幾
三十年成一百軸洞乎天人之際探諸鬼神之奧製序引
以述其事爲摸印以行于時大頒四方夙出萬古昔

玄宗之廣濟德宗之廣利皆叢判眇末不足稱道尚具載
史籍垂于後昆以爲莫已若也况

陛下之述作功參化源天下之博愛身躋壽域雖復造書
畫卦鑽燧指時不異同年而壽矣宜乎與日月同懸與經
籍共永豈區區尋常碌碌下臣能請頌于聖德歟當州地
居僻左路遠京師長幼數年引頸以目累使郡吏請于有
司始蒙頒宣蓋膏次弟而又今冬寒暴天氣稍早過始冰
之候河無凍澗踏小雪之期野無凝雪以類慮瘴癘害于民
人俗罕名醫則祀鬼以憂之任子道是專方虞後艱獲
此大賚謹當如儀金以市藥給官人以救人資聖祚于無

疆流聖惠于... 歸于... 懷之誠如此而
已臣等無任... 謹... 奏

王黃州小畜集卷第二十一

王黃州小畜集卷第二十二
表

賀南郊大赦表

賀冊皇太子表

謝各處貢表

賀皇太子即位表

謝... 郎中表

賀... 表

賀... 表

賀上太行皇帝... 表

賀... 山人... 表

普濟謝表

謝如上世國表

謝宣賜表

起程表

賀收復安南表

賀勝捷表

揚州謝表

請擬大行皇帝實錄表

謝弟南王被執謝表

賀聖駕還京表

謝加朝請大夫表

賀南郊大赦表

臣某言今月二十日降到赦書一道南郊禮畢大赦天下者臣當時集軍州官吏百姓僧道宣讀施行訖嚴父配天王者之達孝皆災肆赦有國之大猷凡在群生罔不同慶臣聞有虞尚乎德祖顓頊而宗堯周人重其先禘帝嚳而郊禘沿革之文則異祠祀之義斯同率由舊章茲曰入事雖天子必有尊也非聖人孰能行之伏惟

尊號皇帝陛下司牧黎元敷崇孝治言有父也

宣祖昭武皇帝積德而累功言有兄也

太祖神德皇帝開基而創業而自下武繼志守文則難化
成而日用不知寅畏而夕惕若厲故得昆蟲咸遂戎狄允

懷文物聲明損益乎三代德仁義愛黎乎萬民有是聖
功推功於天地有是聖德讓德於祖宗乃備嚴禋聿伸大
報禮樂具舉宣三年之丕為王帛載馳見四海之助祭列
聖至上上帝格思錫降於無疆明大孝之不價禮成而
退天且不違自非吉蠲之誠達于上下孝悌之至通于神
明孰能若斯其盛歟由是因純嘏之休覃雷雨之澤謂萬
方有罪于是乎釋縲紲之人謂百姓不足于是乎免逋逃
之賦照燭幽壤滌蕩瑕疪順天推恩與物更始詩不云乎
一人有慶經不云乎萬國懽心自可追三王而比崇非止
黜五霸而不用者矣臣出官內署承乏專城既不得陪冠
劍之班行俎豆之事舞抃於黃道登降於紫壇又不得湧
非煙之詞濡甘露之筆藻繪於玉冊發揮於皇謀亦臣之
不幸也然而當求治之初居分憂之任得不導揚允澤訓
戒齊民瘳其瘡痍浸入骨髓亦臣之大幸也伏限郡事不
獲奔詣闕庭謹陳

賀壽聖太子表

臣某言今月二十一日降敕書一道皇太子正位儲宮大
赦天下有集軍州官寺僧道百姓宣讀施行訖禮
崇儲副漢故華夷凡在含生罔不同慶臣聞帝王之道步
驟殊途夏商以傳家垂諸古典姬昌之為世子載于禮
經比皆所以定人心而國國本矣由三代而下實百王不刊洎
乎唐室夏商與朝草創莊宗則帝未遑明宗則日不暇

給繫綿五姓戰伐百年重念春坊遂成闕典我

太祖神機皇帝擅護始器司效黎元善上聖之才副下民
之望人神允屬獄訟既歸伏惟

尊號皇帝禮重傳自口凡升為天子德此威儀垂二十年
文物聲明盡合義禮樂在伐不自謂後始求主營之親
用正副君之位斯重軒所禮天與賢與賢天與子則與
子者也伏以皇太子生知忠孝性稟鴻文允符當璧之祥
宜正撫軍之重筮龜叶吉鐘鼎再增輝而又舉滄雷之聲因
而作解導少海之潤用以滌穢必由舊章降此大賚綸綍
四出羸牢一空率土普天不勝慶幸臣出官禁署承乏方
州目不覩朝廷之儀手不當文翰之職雖違素望實偶昌
朝伏限郡政不獲奔詣天闕臣無任

謝落起復表

臣某言今月五日進奏院遞到勅牒官告各一道蒙恩落
起復授臣依前尚書工部郎中知揚州軍州事仍放朝謝
者喪紀爰終制禮遂至歿血罔極悼心失圖伏以三年之
喪百王不易墨縵急用本因將帥之臣腰經從公罔叶春
秋之義臣履屨之職方義通喪斷恩勉副養鴻私達禮重
違於素志有違禮節現冒之類日月有期俄卒禫祥
之制此者必哀

尊號皇帝禮重下舉其舊典推以新恩俾除抑奪之名曲盡
哀榮之禮誠懇切切者且忘於終天佩玉鐙鏘班尚遙於

就日伏限... 獲奔訪關... 臣某言

謝轉刑部郎中表

臣某言伏奉四月一日敕書

皇帝陛下... 陛下奉... 重輪繼大明之照... 肆赦渙汗萬邦... 守外藩不獲蹈舞玉階無任抃躍屏營之至

謝轉刑部郎中表

臣某言今月六日進奏院遞到刺牒一道官告一通伏蒙聖慈特授臣尚書刑部郎中... 聖澤大賚郎曹序遷聞命若驚省躬知幸伏念臣頃因薄技逮事先朝誤記姓名過有獎擢兩知制誥一入翰林報國之功雖無績効事君之道粗守貞方虛名既高忌才者衆直道難進黜官亦多始貶商於實因執法後出滁上莫知罪名

大行皇帝漸察非辜移領大郡方且精求民瘼少報皇恩期牽復于詞臣再授擢于王命不圖上玄降禍先帝登遐奉諱之辰號天罔極不得趨朝夕之臨無以為臣子之心况如彼... 皇帝陛下... 蕭之澤... 治... 天爰自起曹... 聖全鑾之殿誠

蕭之澤... 治... 天爰自起曹... 聖全鑾之殿誠

隔煙霄入白雲之司亦非冗散得不格居官次度奉詔條
諭淮海之遺民識朝廷之新命無汲黯積薪之歎有子牟
戀闕之心感慨舊恩追惟往事西陵日斷泣血難收東海
日升傾心更切伏限權司藩服不獲拜賜玉堦巨無任感
天荷聖激切屏營之至

賀冊皇太后表

臣某言伏觀四月一日制書冊皇太后禮異者子道大備
母儀有光伏以皇太后德配先朝功存內治遇坤之泰叶
易象之休徵在河之洲動詩人之雅詠克昌聖嗣續服寶
圖爰旌十亂之功乃正萬邦之母杜膺玉冊誕受尊稱舜
孝蒸蒸漢儀穆穆問安侍膳載趨長樂之宮含飴弄孫永
鎮顯親之殿臣限拘官守不獲蹈舞玉堦無任抃躍屏營
之至

賀冊皇后表

臣某言得進奏院狀報五月二十四日制書秦國夫人立
為皇后者中宮正位率土同歡巨圖軒轅四星上明于玄
象虞舜二六內助於皇風永惟王化之基實繫人倫之本
伏惟

皇帝陛下誕膺駿命嗣守鴻圖安上定民勳緒於禮法自
家形國光正於宮闈符沙麓之禎祥取塗山之正嫡蒸嘗
是奉既逮事於先朝車服有儀更承顏於長樂與冊大備
邦家有光臣以任假列藩獲聞盛禮伏限恪恭官次不獲

蹈舞玉璫無任抃躍屏營之至

懇上大行皇帝謚號廟號表

臣某言得達奏院狀報今月六日勅下大行皇帝謚號神功聖德文武皇帝廟號太宗七日文武百寮詣西上閣門拜表陳慰者典章大備宗廟永安臣謹按禮太師帥瞽而獻所以作匱謚又按禮記大臣素服而郊所以明天誅蓋子不得私其父臣不得私其君爰茲考實之文用正易名之法洪惟盛典屬在聖朝

太宗皇帝知幾其神惟睿作聖功濟萬物德流八方有經緯天地之文有克定禍亂之武錄其行也既如彼定其謚也宜如此又以為極大曰太有德稱宗懋建鴻名永光清

廟禮官博士討論而無異辭公卿大夫僉諧而合舊典為百代不祧之主享萬世無疆之休伏惟

皇帝陛下以大孝顯親以至公立法率由茂實誕上尊稱太史之紀國書有光直筆上公之讀謚冊曾無愧辭終哀且榮愛禮達孝秩秩之容既肅穰穰之福無窮臣逮事

先皇累叨近侍流落郡政哀號國喪執戟之官既傷於踈賤如椽之筆空入于夢魂伏限官守不敢奔赴闕庭

乞賜終南山人種放孝贈表

臣某言臣等聞陳蕃之薦五處士名勸邦家田畝之舉六孝廉事光簡冊惟兩漢之制理於三代而同風復有聘以安車賜之束帛聽其不仕姑務優賢八月奉羊酒之儀四

時致宗廟之胙史之所記代不之人爰暨昌期宜興隆典
伏見終南山處士种放山林養素若友脩身既聚學以誨
人亦躬耕而事母履公守道不入襄陽之城康伯避名永
絕長安之市

太宗皇帝知其高尚事不獲遂遠體髮之親未應鵠書
之命讓賜錢而不受懸好爵以難縻今開放執親之喪貧
不能葬棺衾未具宅兆無歸臣等或忝被交遊或慕其名
節傷哉貧也觀茲窀穸之憂聞斯行諸豈怯匍匐之救雖
共謀分俸而未若推恩况喪巖穴之賢敢掠朝廷之美伏
冀 皇帝陛下特旌素履曲示鴻私少加粟帛之恩俾詣
喪葬之禮上則成先皇之雅意下則揚隱士之清規亦足
以激浮競之風勸孝悌之俗所繫者甚大所費者至微比
考叔之遺美一時小惠較鄭均之義殺千古同塗干冒宸
嚴臣等無任僭越之至

黃州謝上表

臣某言伏奉去年十二月二十九日勅落知制誥差知黃
州軍州事者通于白限尋即朝辭自後以改葬先臣蒙恩
給假幸獲親於遠日免積恨於終天墳穉未停征輪靡監
已於今月二十七日到州上訖乍離近侍猶忝專城循省
尤違彌深感泣伏以黃州地連雲夢城倚大江唐時版籍
二萬家稅錢三萬貫今人戶不滿一萬稅錢止及六千維
久樂昇平尚未臻富庶永言養活亦藉循良如臣庸愚曷

副憂寄謹當勤求人瘼遵奉詔條至塞巽之民束縛檢
猾之吏敢言課最庶免曠遺况當求理之朝必為無害之
政伏念臣叨司帝誥又歷周星既不曾上殿求見天顏又
不曾拜章論列特事入直則閉閣待制退朝則杜門讀書
雖每日起居實經年抱疾不敢求假恐煩醫官自後忝預
史臣同修實錄晝夜不捨寢食殆忘日晷建隆四年見成
一十七卷雖然未經進御自謂小有可觀忽坐流言不容
絕筆夫讒謗之口聖賢難逃周公作鷓鴣之詩仲尼有柏
雕之歎蓋行高於人則人所忌名出於眾則眾所排自古
及今鮮不如此伏望

皇帝陛下雷霆震怒日月迴光鑒曾參之殺人稍寬投杼
察顏回之盜飯或出如簣未令君子之道消惟賴聖人之
在上况臣孤平無援文雅脩身不省附離權臣祇是遭逢
先帝但以心無苟合性昧隨時出一言不愧於神明議一
事必歸於正直愠於群小誠有謗詞謀及卿士豈無公論
以至兩朝掌誥四任詞臣紫垣最忝於舊人白首不離於
郎署以微臣之行已遇

陛下之至公必當辯明未敢伸理今則上國千里長淮一
隅雖叨守土之榮未免謫居之歎霜摧風敗芝蘭之性終
香日遠天高葵藿之心未死仰望旒宸不勝涕洟臣無任
瞻天戀聖省已激切屏營之至

謝加上柱國表

臣某言今月二十日進奏院遞到官誥一通勅牒一道伏蒙聖慈特授臣上柱國餘如故仍放朝謝著禮成大祀澤霈具寮豈期謫官之臣亦預策勳之數伏念臣因緣薄技遭遇昌辰承明四入於直廬才非潤色准甸三移於郡印政昧循良方俟黜幽敢期受寵今者伏遇

皇帝陛下躬修禋祀嚴配祖宗率由舊章大賚群后遂令郎吏亦廁勳官八柱之名實叨於茂澤一麾之任有耀於專城誓將冰蘖之心上答雲天之施無任感天荷聖云云

謝宣賜表

臣某言今月八日進奏院遞到宣頭一道伏蒙聖慈以臣先撰元德皇太后謚冊文特賜臣衣着五十疋銀器五十

兩禮畢園陵恩霑論議伏念臣學慙稽古才不兼人際會先朝忝塵近侍東里子產累居潤色之司南面仲弓繼荷分憂之任洎逢續嗣復賴英壇適當議靈陽之陵定昭成之謚猥承詔命恭草冊文殫慮孤陋寡聞難當大手筆事雖經覽未息竊懼今有謚冊入陪神主祔廟伏惟

皇帝陛下孝思罔極下流續聖之絲繒錫中金之器二捧承靡措函籍失容冠之祭無以加此孝治之化及於人心性覺自榮身知無任瞻天荷聖激切屏

管之至

起居表

臣某言今月二十五日進奏院遞到御札一道

皇帝陛下取三月三日幸河北者黠虜猖狂聖人順動
佇殲兇醜永息氛祲伏惟

皇帝陛下續嗣場國慶重威神武以不殺用人文而
化成蠢爾契丹敢二天之險越王障驚搖吏民王師已振
於捷音帝命尚宗於契丹契丹百姓來蘇之望是六師賈勇
之時以鎰秤鉢移山歌頌日蕩平蕃部更無南牧之人
守吹塞垣願作北門之狗在茲一舉永服四夷方屬祁寒
暫勞天步臣以任居僻郡地遠朝捍牧圉以無由仰雲
天而積戀臣無任瞻天望聖激切屏營之至

賀收復益州表

臣某言今日進奏院狀報雷有終奏收復益州者臣當
時集官吏望闕稱賀并告諭諸縣訖守臣不武成卒弄兵
暫出偏師果平孤壘中謝臣伏觀益部以樂皇風最爾王
均敢萌逆節蓋災流於公致盜據於城池伏惟

尊號皇帝陛下斷在睿權權將雖依九伐之法特開
三面之羅尚敢嬰城斯為迷復懼困獸猶關之義徵圍兵
必闕之文縱以遁逃自今稟清肅由聖略永淨坤維臣任
忝頒條欣聞捷奏無任歡時樂聖權呼蹈舞之至

賀勝捷表

臣某言今日三十日得進奏院狀報今日十二日據夏州
路馬步軍都部署王超廷州路馬步軍都部署范廷召等
各差入內殿頭高品本係正入內高品質繼隆等走馬齎

狀到關奏兩路大軍入賊界到烏白池會合前後一十六
度掩殺著蕃賊殺下其賊首二十一一人吃囉拍揮等二
十餘人及殺下蕃賊五千餘人并收到蕃賊二千餘人并收到
馬二千餘匹奪到衣甲器械二萬餘事件傷殺却蕃賊不
知數目打奪到牛羊其不少收到糧料草窰窰極多並
已散與一行諸軍其蕃賊帳族舍屋並燒毀蕩盡所有蕃
賊田苗禾穀並總收刈及踐踏淨盡其李繼遷與蕃賊並
已潰散逃遁其諸路大軍并百姓已於今月二日並平安
却迴各歸逐處駐泊訖皇太子宰臣文武百官於今月十
三日入賀者臣當時集軍州官吏等宣讀告諭望闕拜舞
稱賀訖黠虜窺邊王師出塞大戮兇醜永息妖氛凡在照

臨畢同慶快中制 臣聞姬周備塞來則擊之炎漢用兵事
不獲已蓋為民之除害亦有國之常刑言念夏臺志之白
翟雖居沙漠實近嶠函其塞爾繼遷父稽天討養成巢穴召
集逋逃逼脅戎人驚搖王土伏惟

尊號皇帝陛下外其夷狄念在生靈戰堂上之奇兵借關
中之民力以至賜之國姓改以今名位重察廉官兼保傅
而獸心反側大性猖狂劫掠我吏民侵凌我疆境皇威赫
怒禁旅奔馳兩路齊攻三軍合力靈兵神速突騎龍驤疾
雷無掩耳之謂烈火動燎原之勢大六陣斬獲萬餘
人積甲如丘覆屍滿沙磧發其積其室廬俘牛馬
以谷量蹂踐穢穢而掃地足使五千深入笑李陵之無功十

萬橫行輕焚燬之語語而况偏裨將帥自有之遠渠魁遁
逃僅以身免賊氣大沮人心已離係一命之煎誅手獨
柳之下上應剋日別聽吉音此言斷日之靈亦出之睿筭過
其橫議授以聖謨故得權重之靈言固猶展沙場之上捷
書已來歷考自古帝王料兵之遠未有如

陛下者也臣去年叨書密命併直內庭批逆豎之封章屈
王言而姑息未嘗不援毫切齒怒髮衝冠慙無將帥之材
實忍大夫之恥今則身居郎署日觀神功感涕忻懼倍萬
常品伏限權司郡印不獲拜舞闕庭臣無任

揚州謝上表

臣某言十一月二十四日樞密院馬遞勅牒一道至滁州伏
蒙聖慈就差臣知揚州軍州兼管內州壇橋道等處
仍放朝謝取便路乘遞馬發赴移任所者臣已於十二月
四日到揚州上訖祗奉朝以初權藩服分憂任重謫官心
寬感恩而涕泗無從省已而兢惶失次中謝伏以禹別九
州斯為輿壤唐分十道是曰大邦控淮海之津梁會東南
之漕運當聖主求賢之日親王領鎮之初直擇才能俾乂
繁劇豈臣愚昧而所克堪伏念目頃以藝文獲塵科第三
館兩制遍歷清華二十載一第別無媒援由是上惟奉主旁
不忌人比謂直言類至左官去年自禁中出職滁上臨民
龜勉在公事之履屐歲暮漸白眼目已昏但以行年未高
不敢求退之人難遇猶思報恩顧惟善政之惠聞豈望鴻

私之由被今

尊號皇帝陛下尊從小郡權臣大藩雖臣君恩未替而要衝之地使命孔多徵臣素之家財本州元無公用恐因信爲別冀聖心之察徵免規口之騰謗此外粗當勵之宜官况錫州無藩方無多戶口凡干場務皆有使臣臣在其中提振而已至于決斷詞訟督責賦租持以無私必期集事今緣奉詔急速所以不敢稽留庶于歲時之間別求散慢之地舉頭見日空知京闕之遙白首爲郎甘老江湖之上伏限權臨郡政不獲躬拜天庭無任請撰大行皇帝實錄表

臣某言聞二帝三王之道無尚書則泯而不見戰國秦漢之事無史記則滅而不傳能使後之視今猶今之視古者書史賴中伏以

大行皇帝功濟萬物道高百王誕敷皇謨勤恤黔首憲章軍國之務經制郡縣之權故得百萬之師如臂使指億兆之衆推心致腹而又禮樂刑政之盛聲明文物之光煥乎爛然有足稱述附于二十一年行事而王道備矣伏惟皇帝陛下以奉先之孝副知子之明知履丕圖惟克永世極前即位天下宅心社稷人神罔不駿奔斯乃先帝之貽謀得

陛下之聖嗣乾坤交泰日月重光曆考近古立儲闡承帝位未有如我朝之盛者也臣愚以爲且撰大行皇帝實錄

垂之不朽况盛德大業簡冊具存鴻儒碩士臺閣皆是豈
臣孤陋敢有覬覦然念臣太平興國五年集賢館舉再就
御試遂登文科服勤州縣揚曆四考先帝採摭紳虛譽自
長洲令徵為正言帖直史館明年轉左司諫知制誥出
入中外十有三年遠不因人退無題過亦惟知己之至未
得殺身之地今陵寢有日始謂其死得措一辭于帝典
之中署一名于國史之後臣幸死之日如生之時至于褒
善貶惡之文編年紀傳之列備嘗探討粗見指歸况端拱
元年春季日曆是臣編修如蒙帝俞不辱君命臣無任懇
悃之至

謝弟禹圭授試少衛表

臣某言臣禹圭昨差押本州賀登寶位進奉伏蒙聖慈特
授將仕郎試秘書省校書郎者千年遭遇九族輝榮中謝
伏念臣出自孤平猥叨班列雖累居近侍而未免食貧言
念禹圭臣之母弟素無文性早使專經重以先臣惜其幼
子本期擢第以慰慈顏自後住舉六年丁憂三載漸及強
仕未有出身今者伏遇

皇帝陛下續嗣寶圖誕敷文德凡居守土之任義合駿奔
因命在原之親入修職責伏蒙

陛下舉先朝之故事推山震之殊恩俾列官常仍居讎校
起家之調曲荷於生成報國之心同期於死所伏限郡印
不獲蹈舞玉墀臣無任感天荷聖激切屏營之至謹奉表

陳謝以聞

賀聖駕還京表

臣某言今月十六日進奏院狀報正月二十三日大駕還京者犬戎逃遁鑿輅凱旋中謝伏惟

尊號皇帝陛下奉承祖宗威懷戎狄但懋守文之德靡矜神武之功最爾林胡無名內侮蜂屯烏合鼠竊狗偷必想邊民奪槌以毆攘亭長持繩而繫縛豈勞車駕遠涉山川陛下念二聖臨朝每經營於河朔屬三時不害乃巡幸於沙場存問耆年勞來疆吏有征無戰陳詩觀風邊人識龍鳳之姿胡馬避虎貔之衆昔周宣薄伐獫狁深入太原漢武斥逐兇奴遐臨瀚海頗為勞弊尚著聲時曾未若

陛下仰順天時俯從人欲出狩適當於冬隙班師未廢於農祥瑞居紫宸飲至清廟黜兩方霈春華正繁捧觴長樂之宮錫宴上林之苑皇權大洽天步永安易曰聖人以順動則刑罰清而民服孫子曰不戰而屈人之師善之善者也其是之謂乎臣方在謫官無由扈從既不得草頡利可汗之露布又不得書冒頓單于之慢書當文士有為之時處山州無用之地甲塞黃遼望關彌深無任歌時樂聖

謝加朝請大夫表

臣某言今月十三日進奏院遞到勅牒一道中書劄子一封伏蒙聖慈以臣預修

太祖實錄命授臣朝請大夫仍賜綸五十疋銀五十兩者

陸級清崇錫賚優厚恩生望外事繫宸衷仰戴寵光伏增
戰越臣中謝伏念臣素無望實久玷清華訓誥典謨罔知
體要春秋禱祀豈識指歸之歲伏遇

尊號皇帝陛下詳觀國書追念始祖顧復不祧之廟光揚
納麓之勲以為自昔編修或多漏略永懷丕烈深軫孝思
謂漢祖元功立紀于武帝之世神堯實錄重定于高宗之
朝爰詔近臣再編茂實臣叨膺是選尤愧非才尚賴宰臣
李沆監修錢若水總領其職臣則討論遺事潤色舊文始
則合秦趙世家得國姓之根本考唐杜氏族見太后之源
流凡所改更皆有按據庶彰帝業以副天心方施汗簡之
勞遽有分符之命無由別白但積憂危加以年髮漸高郡
封甚僻野鳥閑暇潛窺賈誼之容江魚噉喙欲噬靈均之骨
未知何日再覩天光豈謂大典初成群賢進御

陛下以臣曾施翰墨曲記姓名俾進階資復援恩例絲綸
渙汗金帛輝華州民改觀謫官增氣領郡城而兼史氏何
異唐賢奉朝請以為大夫榮同漢制非小臣稽古之力乃
陛下好文之心涕泗縱橫亂於縻綆神魂飛越若在煙霄
唯知遭逢曷可報効然念臣業文之外蔑有器能知命之
年別無嗜好才思未減筆力尚雄馳于文翰之場猶能識
路責以循良之政恐悞分憂儻用所長期不辱命臣無任

王黃州小畜集卷第二十二